

四庫

全書

四庫全書

全書

第五五〇册

四庫全書

●上海古籍出版社

本冊目次

山西通志(九)

清
覺羅石麟等監修
儲大文等編集……一

第五〇冊

欽定四庫全書

史部
山西通志卷二百九

詳校官給事中臣王鍾健
檢討臣德生覆勘

總校官進士臣朱鈴
校對官中書臣潘奕雋
謄錄監生臣胡澄

欽定四庫全書

山西通志卷二百九

藝文二十 書一

漢

報任少卿書

司馬遷

少卿足下曩者辱賜書教以慎於接物推賢進士為務
意氣勤勤懇懇若望僕不相師而用流俗人之言僕非
敢如是也僕雖能駕亦當側聞長者之遺風矣顧自以

欽定四庫全書

山西通志
卷二百九

為身殘處穢動而見尤欲益反損是以獨抑鬱而無誰
語諺曰誰為為之孰令聽之蓋鍾子期死伯牙終身不
復鼓琴何則士為知己用女為說己容若僕大質已虧
缺矣雖材懷隋和行若由夷終不可以為榮適足以見
笑而自黜耳書辭宜答會東從上未又迫賤事相見日
淺卒卒無須臾之間得竭志意今少卿抱不測之罪涉
旬月迫季冬僕又薄從上雍恐卒然不可為諱是僕終
已不得舒憤懣以曉左右則長逝者魂魄私恨無窮請

略陳固陋闕然久不報幸勿為過僕聞之修身者智之符也愛施者仁之端也取予者義之表也恥辱者勇之決也立名者行之極也士有此五者然後可以託於世而列於君子之林矣故禍莫惜於欲利悲莫痛於傷心行莫醜於辱先而詬莫大於宮刑刑餘之人無所比數非一世也所從來遠矣昔衛靈公與雍渠同載孔子適陳商鞅因景監見趙良寒心同子騶乘袁絲變色自古而恥之夫中材之人事關於官豎莫不傷氣而況於忼

欽定四庫全書

山西通志
卷二百九

慨之士乎如今朝廷雖乏人奈何令刀鋸之餘薦天下之豪雋哉僕賴先人緒業得侍罪輦轂下二十餘年矣所以自惟上之不能納忠效信有奇策材力之譽自結明主次之又不能拾遺補闕招賢進能顯巖穴之士外之不能備行伍攻城野戰有斬將奪旗之功下之不能積日累勞取尊官厚祿以為宗族交遊光寵四者無一遂苟合取容無所短長之效可見於此矣鄉者僕亦嘗廁下大夫之列陪奉外廷末議不以此時引綱維盡思

欽定四庫全書

山西通志
卷二百九

慮今已虧形為掃除之隸在闔茸之中迺欲仰首信眉論列是非不亦輕朝廷羞當世之士邪嗟乎嗟乎如僕尚何言哉尚何言哉且事本末未易明也僕少負不羈之才長無鄉曲之譽主上幸以先人之故使得奏薄技出入周衛之中僕以為戴盆何以望天故絕賓客之知忘室家之業日夜思竭其不肖之材力務一心營職以求親媚於主上而事乃有大謬不然者夫僕與李陵俱居門下素非能相善也趣舍異路未嘗銜杯酒接殷勤之餘歡然僕觀其為人自奇主事親孝與士信臨財廉取予義分別有讓恭儉下人常思奮不顧身以徇國家之急其素所蓄積也僕以為有國士之風夫人臣出萬死不顧一生之計赴公家之難斯已奇矣今舉事一不當而金軀保妻子之臣隨而媒孽其短僕誠私心痛之且李陵提步卒不滿五千深踐戎馬之地足歷王庭垂餌虎口橫挑疆胡仰億萬之師與單于連戰十餘日所殺過當虜救死扶傷不給旃裘之君長咸震怖迺悉徵

左右賢王舉引弓之民一國共攻而圍之轉鬪千里矢盡道窮救兵不至士卒死傷如積然李陵一呼勞軍士無不起躬自流涕沫血飲泣更張空拳冒白刃北首爭死敵者陵未沒時使有來報漢公卿王侯皆奉觴上壽後數日陵敗書聞主上為之食不甘味聽朝不怡大臣憂懼不知所出僕竊不自料其卑賤見主上慘懷怛悼誠欲效其款款之愚以為李陵素與士大夫絕甘分少能得人之死力雖古名將不過也身雖陷敗彼觀其意

欽定四庫全書

山西通志
卷二百九

四

且欲得其當而報漢事已無可奈何其所摧敗功亦足以暴於天下矣僕懷欲陳之而未有路適會召問即以此指推言陵功欲以廣主上之意塞睚眦之辭未能盡明明主不深曉以為僕沮貳師而為李陵游說遂下於理拳拳之忠終不能自列因為誣上卒從吏議家貧財賂不足以自贖交游莫救左右親近不為一言身非水石獨與法吏為伍深幽圜牆之中誰可告愬者此正少卿所親見僕行事豈不然邪李陵既生降隕其家聲而

僕又得以此蠶室重為天下觀笑悲夫事未易一二為俗人言也僕之先人非有剖符丹書之功文史星歷近乎卜祝之間固主上所戲弄倡優所畜流俗之所輕也假令僕伏法受誅若九牛亡一毛與螻蟻何異而世又不與能死節者比特以為智窮罪極不能自免卒就死耳何也素所樹立使然也人固有一死死有重於泰山或輕於鴻毛用之所趨異也太上不辱先其次不辱身其次不辱理色其次不辱辭令其次詘體受辱其次易服受辱其次關木索被箠楚受辱其次鬻髮嬰金鐵受辱其次毀肌膚斷肢體受辱最下腐刑極矣傳曰刑不上大夫此言士節不可不厲也猛虎處深山百獸震恐及其在奔檻之中搖尾而求食積威約之漸也故士有畫地為牢勢不入削木為吏議不對定計於鮮也今交手足受木索暴肌膚受榜箠幽於圜牆之中當此之時見獄吏則頭搶地視徒隸則心惕息何者積威約之勢也及已至此言不辱者所謂強顏耳曷足貴乎且

欽定四庫全書

山西通志
卷二百九

五

欽定四庫全書

山西通志
卷二百九

西伯伯也拘羑里李斯相也具五刑淮陰王也受械於陳彭越張敖南鄉稱孤繫獄抵罪絳侯誅諸呂權傾五伯囚於請室魏其大將也衣赭衣關三木季布為朱家鉗奴灌夫受辱居室此人皆身至王侯將相聲聞鄰國及罪至罔加不能引決自裁在塵埃之中古今一體安在其不辱也由此言之勇怯勢也強弱形也審矣曷足怪乎且人不能蚤自裁繩墨之外已稍陵夷至於鞭撻之間乃欲引卽斯不亦遠乎古人所以重施刑於大夫者殆為此也夫人情莫不貪生惡死念父母顧妻子至激於義理者不然廼有所不得已也今僕不幸早失父母無兄弟之親獨身孤立少鄉視僕於妻子何如哉且勇者不必死卽怯夫慕義何處不勉焉僕雖怯與欲苟活亦頗識去就之分矣何至自沈溺綬紲之辱哉且夫臧獲婢妾猶能引決況若僕之不得已乎所以隱忍苟活幽糞土之中而不辭者恨私心有所不盡鄙沒世而文采不表於世也古者富貴而名磨滅不可勝記唯倂

欽定四庫全書

山西通志
卷二百九

僕非常之人稱焉蓋西伯拘而演周易仲尼尼而作春秋屈原放逐乃賦離騷左丘失明厥有國語孫子臙脚兵法修列不韋遷蜀世傳呂覽韓非囚秦說難孤憤詩三百篇大抵聖賢發憤之所為作也此人皆意有所鬱結不得通其道故述往事思來者乃如左丘無目孫子斷足終不可用退論書策以舒其憤思垂空文以自見僕竊不遜近自託於無能之辭網羅天下放失舊聞略考其行事綜其終始稽其成敗興壞之理凡百三十篇亦欲以究天人之際通古今之變成一家之言草創未就適會此禍惜其不成是以就極刑而無愠色僕誠已著此書藏之名山傳之其人通邑大都則僕償前辱之責雖萬被戮豈有悔哉然此可為智者道難為俗人言也且負下未易居下流多謗議僕以口語遇遭此禍重為鄉黨所戮笑以汙辱先人亦何面目復上父母之丘墓乎雖累百世垢彌甚耳是以腸一日而九迴居則忽忽若有所亡出則不知其所往每念斯恥汙汙未嘗不發

背需衣也身為閭閻之臣寧得自引深藏於巖穴耶故且從俗浮沈與時俯仰以通其狂惑今少卿乃教以推賢進士無過與僕私心刺謗乎今雖欲自彫琢曼辭以自解無益於俗不信祇足取辱耳要之死日然後是非乃定書不能盡意故略陳固陋

戒段會宗書

谷永

足下以柔遠之令德復興都護之重職甚休甚休若子之才可優游都城而取卿相何必勒功昆山之灰總領

欽定四庫全書

山西通志
卷二百九

百蠻懷柔殊俗子之所長愚無以喻雖然朋友以言贈行敢不略意方今漢德隆盛遠人賓服傳鄭甘陳之功沒苗不可復見願吾子因循舊貫毋求奇功終更亟還亦足以復鴈門之蹠萬里之外以身為本願詳思愚言

奏諫膠東王太后數出游獵書

張敞

臣聞秦王好淫聲葉陽后為不聽鄭衛之樂楚嚴好田獵樊姬為不食鳥獸之肉口非惡旨甘耳非憎絲竹也所以抑心意絕嗜慾者將以率二君而金宗祀也禮君

母出門則乘輜輶下堂則從傳母退退則鳴玉佩內飾則結綢繆此言尊貴所以自斂制不從恣之義也今太后資質淑美慈愛寬仁諸侯莫不聞而少以田獵縱欲為名於以上聞亦未宜也唯觀覽於往古全行乎來今令后姬得有所法則下臣有所稱誦臣敬幸甚

說廉丹書

馮衍

行聞順而成者道之所大也逆而功者權之所貴也是故期於有成不問所由論於大體不守小節昔逢父母

欽定四庫全書

山西通志
卷二百九

伏軾而使具君取飲稱於諸侯鄭祭仲立突而出忽終得復位美於春秋蓋以死易生以存易亡君子之道也說於眾意寧國存身賢智之慮也故易曰窮則變變則通通則久是以自天祐之吉无不利若夫知其不可而必行之破軍殘眾無補於主身死之日負義於時智者不為勇者不行且衍聞之得時無怠張良以五世相韓推秦始皇博浪之中勇冠乎貴育名高乎泰山將軍之先為漢信臣新室之興英俊不附今海內潰亂人懷漢

德甚於詩人思召公也愛其甘棠而況子孫乎人所歌舞天必從之方今為將軍計莫若也據大郡鎮撫吏士砥礪其節百里之內牛酒日賜網雄桀之士詢忠智之謀要將來之心待從橫之變興社稷之利除萬人之害則福祿流於無窮功烈著於不滅何與軍覆於中原身膏於草野功敗名喪恥及先祖哉聖人轉禍而為福智士因敗而為功願明公深計而無與俗同

復說廉丹書

欽定四庫全書

山西通志
卷二百九

十一

蓋聞明者見於無形智者慮於未萌況其昭哲者乎凡患生於所忽禍發於細微敗不可悔時不可失公孫鞅曰有高人之行負非於世有獨見之慮見贅於人故信庸庸之論破金石之策襲當世之操失高明之德夫決者智之君也疑者事之役也時不重至公勿再計

說鮑永書

衍聞明君不惡切懇之言以測幽冥之論忠臣不顧爭引之患以達萬機之變是故君臣兩興功名兼立銘勒

金石令問不忘今衍幸逢寬明之日將值危言之時豈敢拱默避罪而不竭其誠哉伏念天下離王莽之害久矣始自東郡之師繼以西海之後已蜀沒於南夷緣邊破於北狄遠征萬里暴兵累年禍孽未解兵連不息皇帝以聖德靈威龍興鳳舉率宛葉之眾將散亂之兵喏血昆陽長驅武關破百萬之陣摧九虎之軍雷震四海席卷天下攘除禍亂誅滅無道一期之間海內大定繼高祖之休烈修文武之絕業社稷復存炎精更輝德冠欽定四庫全書

山西通志
卷二百九

十一

往初功無與二天下自以去亡新就聖漢當蒙其福而賴其願樹恩布德易以周洽其猶順驚風而飛鴻毛也然而諸將虜掠逆倫絕理殺人父子妻人婦女燔其室屋略其財產飢者毛食寒者裸跣覓結失望無所歸命今大將軍以明淑之德秉大使之權統三軍之政存撫并州之人惠愛之誠加乎百姓高世之聲聞乎羣士故其延頸企踵而望者非特一人也且大將軍之事豈特珪璧其行東修其心而已哉將定國家之大業成天地

之元功也昔周宣中興之主齊桓霸彊之君耳猶有申伯召虎夷吾吉甫攘其蟄賊安其疆宇況乎萬里之漢明帝復興而大將軍為之梁棟此誠不可以忽也且衍聞之兵久則力屈人愁則變生今邯鄲之賊未滅正定之際復擾而大將所部不過百里守城戰軍不息兵革雲翔百姓震駭奈何自怠不為深憂夫并州之地東帶名關北逼強胡年穀獨熟人庶多資斯四戰之地攻守之場也如其不虞何以待之故曰德不素積人不為用

欽定四庫全書

山西通志
卷二百九

三

備不豫具難以應卒今生人之命繫於將軍所仗必須良才宜改易非任更選賢能夫十室之邑必有忠信審得其人以承大將軍之明雖則山澤之人無不感德思樂為用矣然後簡精銳之卒發屯守之士三軍既整甲兵已具相其土地之饒觀其水泉之利制屯田之術習戰射之教則威風遠暢人安其業矣若鎮太原撫上黨收百姓之歡心樹名賢之良佐天下無變則足以顯聲譽一朝有事則可以建大功惟大將軍開日月之明發

深淵之慮監六經之論觀孫吳之策省厚誡之是非詳眾士之白黑以超周南之迹垂甘棠之風令夫功烈施於千載富貴傳於無窮伊望之象何以加茲

說鄧禹書

衍聞昔者先王學大道以觀於政夫為君而不明於道上無所承天下無以化民為臣而不明於道進無以事君退無以修身聖朝天然之資將軍純茂之德誠少遊神乎經書之林馳情乎元妙之中明照於日月而智溢乎四海聖朝享堯舜之榮將軍荷稷卨之烈自然理也

欽定四庫全書

山西通志
卷二百九

三

與陰就書

衍聞神龍驟首幽雲蒸明聖修德志士思名是以意同情合聲比則應也伏見君侯忠孝之性慈仁殷勤論議周密思慮深遠顧以微賤數蒙聖恩被侯大惠衍年老被病恐一旦無祿命先大馬懷抱不報齋恨入冥思剖肝膽有以塞責方今天下安定四海咸服蒙恩更生之臣無所效其死力側聞東平山陽王壯當之國擇除

官屬行不自量願侯白以行備門衛鄙語曰水不激不能破舟矢不激不能飲羽不念僭惡名賢所高負責之臣欲言不敢惟侯哀憐深留聖心則闔棺之日魂復何恨

再與陰就書

行材素愚駕行義汙穢外無鄉里之譽內無汗馬之勞猥蒙明府天覆之德華寵重疊間者據史疑衍之罪求照飄山當為灰土賴家明察揆其素行復保首領倍知

欽定四庫全書

山西通志
卷二百九

厚德篤於慈父浸淫肌膚滲漉骨髓德重山嶽澤深河海前送妻子還溜縣遭雨達暑以七月還陽武聞詔捕諸王賓客惶怖詣闕冀先事自歸十一日到十二日報歸田里即日束手詣洛陽詔獄十五日夜詔書勿問得出遭雨又疾大困冀高世之德施以田子老馬之惠贈以秦穆駿馬之恩使長有依歸以効忠心

與婦弟任武達書

天地之性人有喜怒夫婦之道義有離合先聖之禮士

有妻妾雖宗之渺微尚欲踰制年衰歲暮恨入黃泉遭遇嫉妬家道崩壞五子之母足尚在門五年已來日甚歲劇以白為黑以非為是造作端末妄生首尾無罪無辜讒口嗷嗷亂匪降自天生自婦人青蠅之心不重破國嫉妬之情不憚喪身北難之晨維家之索古之大患今始於衍醉飽過差輒為桀紂房中調戲布散海外張目抵掌以有為無痛徹蒼天毒流五臟愁令人不賴生忿令人不顧禍入門著牀繼嗣不育紡績織紵了無女

欽定四庫全書

山西通志
卷二百九

工家貧無僮賤為匹夫故舊見之莫不悽愴曾無憫惜之恩惟一婢武達所見頭無釵珥面無脂澤形骸不敵手足抱土不原其窮不揆其情跳梁大叫呼若入冥販糖之妾不忍其態計婦當去久矣念爾曹小家無宅使哀憐姜約常為奴婢惻惻焦心事事腐腸訥訥藉藉不可聽聞暴虐此婢不使擗髮半年之間膿血橫流痼病之後姜竟春炊約又觸冒泥塗心為愴然縑縠放散冬衣不補端坐化胤一縷不貫既無婦道又無母儀忿見

侵犯恨見狼藉倚鄭令如居天上持臂相切詞語百車劍戟在門何暇有讓百弩環舍何可強復舉宗達入解說詞如循環口如布穀縣幡竟天擊鼓動地心不為惡身不為搖耳宜詳居錯且自為計無以上書告訴相恐狗吠不驚自信其情不去此婦則家不寧不去此婦則家不清不去此婦則福不生不去此婦則身不榮不去此婦則事不成吾數奇命薄端相逢遭身恨以華盛時不早自定至於垂白家貧身賤之日養癰長疽自生禍殃衍以室家紛然之故捐棄衣冠側身山野絕交游之路杜仕宦之門闔門不出心專耕耘以求衣食何敢有功名之路哉

欽定四庫全書

山西通志
卷二百九

六

與宣孟春

居室之義人之大倫思厚歡和之節樂定金石之固又自傷前遭不良此有去兩婦之名事誠不得不然豈中心所好哉

遺田邑書

欽定四庫全書

山西通志
卷二百九

七

蓋聞晉文出奔而子犯宣其忠趙武達難而程嬰明其賢二子之義當矣今三王背叛赤眉危國天下騷動社稷顛隕是忠臣立功之日志士馳馬之秋也伯玉擢選剖符專宰大郡夫上黨之地有四塞之固東帶三關西為國蔽奈何舉之以資強敵開天下之匈假仇讐之刃豈不哀哉衍聞之委質為臣無有二心挈瓶之智守不假器是以晏嬰臨盟擬以曲戟不易其辭謝息守郿魯以晉魯不喪其邑由是言之內無鉤頸之禍外無挑菜之利而被畔人之聲蒙降城之恥竊為左右羞之且郝庶其竊邑畔君以要大利曰賤而必書昔年夷以土地求食而名不減是以大丈夫動則思禮行則思義未有背此而身名能全者也為伯玉深計莫若與鮑尚書同情戮力顯忠貞之節立超世之功如以尊親係累之故能捐位投命歸之尚書大義既全敵人紆怨上不損剖符之責下足救老幼之命申眉高談無愧天下若乃貪上黨之權惜全邦之實衍恐伯玉必懷周趙之憂上黨

復有前年之禍昔晏平仲納延陵之誨終免樂高之難
孫林父違穆子之戒故陷終身之惡以為伯玉聞此至
言必若刺心自非櫻城而堅守則策馬而不顧也聖人
轉禍而為福智士因敗以成勝願自彊於時無與俗同

報馮衍書

田邑

僕雖驚怯亦欲為人者也豈苟貪生而畏死哉曲戰在
頸不易其心誠僕志也間者老母諸弟見執於軍而邑
安然不顧者豈非重其節乎若使人居天地壽如金石
欽定四庫全書

山西通志
卷二百九

六

要長生而避死地可也今百齡之期未有能至老壯之
間相去幾何誠使故朝尚在忠義可立雖老親受戮妻
兒橫分邑之願也間者上黨黠賊大衆圍城義兵兩輩
入據井陘邑親清敵圍拒擊宗正自試智勇非不能當
誠知故朝為兵所害新帝司徒已定三輔隴西北地從
風響應其事昭昭日月經天河海帶地不足以比死生
有命富貴在天下存亡誠云命也邑雖沒身能如命
何夫人道之本有恩有義義有所宜恩有所施君臣大

義母子至恩今故主已亡義其誰為老母拘執思所當
留而屬以貪權誘以策馬抑其利心必其不顧何其愚
乎邑年三十歷位卿士性少嗜欲情厭事為況今位尊
身危財多命殆鄙人知之何疑君子君長敬通揭節垂
組自相署立蓋仲由使門人為臣孔子譏其欺天君長
據位兩州加以一郡而河東畔國兵不入甌上黨見圍
不窺大谷宗正臨境莫之能援兵威屈辱國權日損三
王背叛亦眉害主未見兼行倍道之赴昔墨翟累譴救
欽定四庫全書

山西通志
卷二百九

七

宋申包胥重服存楚衛女馳歸唁兄之志主亡一歲莫
知定所虛冀妄言苟肆鄙塞未能事生安能事死未知
為臣焉知為主豈厭為臣子思為君父乎欲搖泰山而
蕩北海事敗身危要思邑言

答關公書

諸葛亮

孟起兼資文武雄烈過人一世之傑點彭之徒當與翼
德並驅爭先猶未及髻之絕倫逸羣也

封還曹操所賜告辭書

關侯

切以日在天之上心在人之内日在天之上普照萬方
心在人之内以表丹誠丹誠者信義也某昔受降之日
有言曰主亡則輔主存則歸新受曹公之寵顧久蒙劉
主之恩光丞相新恩劉公舊義恩有所報義無所斷今
主之托某以知望形立相覓迹求功刺顏良於白馬誅
文丑於南坡丞相厚恩滿有所報每留所賜之物盡在
府庫封緘伏望臺慈俯垂鑒照

復曹操書

欽定四庫全書

山西通志
卷二百九

五

明公布大義於天下而速取自樹非某之所敢知若猶
是漢也某敢不臣漢哉敢拜嘉命之辱

又復曹操書

劉豫州有言尉佗秦之小吏猶獨立不詭某啞啞飛鳴
翔而後集寧甘志終小人下耶使明公威德布於天下
幹旋漢鼎窮海內外特拜下風慕高義獨某兄弟哉

歸昭烈謝曹操書

愚聞主憂則臣辱主辱則臣死某所以不死欲得故主

之音聞耳今故主已在河北此心飛越神已先馳惟明
公幸少矜之千里追尋當不計利害謀生死也子女玉
帛之貺勒之寸丹他日幸以旗鼓相當退避三舍意者
亦如晉重耳之事秦穆公者乎某謝

與張遼書

魯仲連東海之匹夫耳為齊下士然且恥不帝秦職為
通侯列漢元宰獨可使負漢耶子且休矣

魏

欽定四庫全書

山西通志
卷二百九

五

河東上書

董 尋

臣聞古之直士盡言於國不避死亡故周昌比高祖於
桀紂劉輔譬趙后於人婢天生忠直雖白刃沸湯往而
不顧者誠為時主愛惜天下也建安以來野戰死亡或
門殫戶盡雖有存者遺孤老弱若今宮室狹小當廣大
之猶宜隨時不妨農務况乃作無益之物黃龍鳳凰九
龍承露盤土山洲池此皆聖明之所不興也其功參倍
於殿舍三公九卿侍中尚書天下至德皆知非道而不

敢言者以陛下春秋方剛心畏雷霆今陛下既尊羣臣顯以冠冕被以文繡載以華輿所以異於小人而使穿方舉土面目垢黑沾體塗足衣冠了烏毀國之光以崇無益甚非謂也孔子曰君使臣以禮臣事君以忠無忠無禮國何以立故有君不君臣不臣上下不通心懷鬱結使陰陽不和災害屢降凶惡之徒因間而起誰當為陛下盡言是者乎又誰當千萬乘以死為戲乎臣知言出必死而臣自比於牛之一毛生既無益死亦何損東

山西通志
卷二百九

筆流涕心與世辭臣有八子臣死之後累陛下矣

戒子姪書

王
景

夫人為子之道莫大於實身全行以顯父母此三者人知其善而或危身破家陷於滅亡之禍者何也由所祖習非其道也夫孝敬仁義百行之首行之而立身之本也孝敬則宗族安之仁義則鄉黨重之此行成於內名著於外者矣人若不篤於至行而背本逐末以陷浮華焉以成朋黨焉浮華則有虛偽之累朋黨則有彼此之

欽定四庫全書

山西通志
卷二百九

患此二者之戒昭然著明而循覆轍滋衆遂末彌甚皆由感當時之譽昧目前之利故也夫富貴聲名人情所樂而君子或得而不處何也惡不由其道耳患人知進而不知退知欲而不知足故有困辱之累悔吝之咎語曰如不知足則失所欲故知足之足常足矣覽往事之成敗察將來之吉凶未有千名要利欲而不厭而能保世持家永全福祿者也欲使汝曹立身行己遵儒者之教履道家之言故以元默冲虛為名欲使汝曹顧名思義不敢違越也古者輦帶有銘几杖有誠俯仰察焉用無過行況在己名可不戒之哉夫物速成則疾亡晚就則善終朝華之草夕而零落松柏之茂隆寒不衰是以大雅君子惡速成戒闕黨也若范滂對秦客知武子擊之折其委弁惡其掩人也夫人有善者鮮不自伐有能者寡不自矜伐則掩人矜則陵人掩人者人亦掩之陵人者人亦陵之故三卻為戮於晉王叔負罪於周不惟矜善自伐好爭之咎乎故君子不自稱非以讓人惡其

蓋人也夫能屈以為伸讓以為得弱以為強鮮不遂矣
夫毀譽愛惡之原而禍福之機也是以聖人慎之孔子
曰吾之於人誰毀誰譽如有所譽必有所試又曰子貢
方人賜也賢乎哉我則不暇以聖人之德猶尚如此況
庸庸之徒而輕毀譽哉昔伏波將軍馬援戒其兄子言
聞人之惡當如聞父母之名耳可得而聞口不可得而
言也斯戒至矣人或毀已當退而求之於身若已有可
毀之行則彼言當矣若已無可毀之行則彼言妄矣當
欽定四庫全書

山西通志
卷二百九

五

夫山林之士夷叔之倫甘長饑於首陽安赴火於縣山
雖可以激貪勵俗然聖人不可為吾亦不願也今汝先
人世有冠冕惟仁義為名守慎為稱孝悌於閭門務學
於師友吾與時人從事雖出處不同然各有所取潁川
郭伯益好尚通達敏而有知其為人弘曠不足輕貴有
餘得其人重之如山不得其人忽之如草吾以所知親
之昵之不願兒子為之北海徐偉長不治名高不求苟
得澹然自守惟道是務其有所是非則託古人以見其
意當時無所褒貶吾敬之重之願兒子師之東平劉公
幹博學有高才誠節有大意然性行不均少所拘忌得
失足以相補吾愛之重之不願兒子慕之樂安任昭先
淳粹履道內敏外恕推遜恭讓處不避滂沱而義勇在
朝忘身吾友之善之願兒子遵之若引而伸之觸類而
長之汝其庶幾舉一隅耳及其用財先九族其施舍務
周急其出入存故老其論議貴無貶其仕進尚忠節其
取人務道實其處世戒驕淫其貧賤慎無戚其進退念

欽定四庫全書

山西通志
卷二百九

五